

Төрскн балгъсан сӕӕхрӱлхмн

Халымг тангъчд донъ-нокод болхин тускар гарси РСФСР-н Министрмудин Советин тогтаврар 1957-ч джилд мана тангъчин эдл-ахун болн культури тосхлгънд 72 миллион шаху арслнъ мбнъг гаргъдж ӕгсми, теди дунд Элст балгъсиг яслгънд, ӕли-ӕмтнӕ бӕӕх гермуд бӕрхд, административн болн культури тосхлгънд 30-35 миллион арслнъ ӕгхмн. Ганцхи Элст балгъсиг ясрулдж сӕӕхрӱлхд 3,3 миллион арслнъ мбнъгн гаргъдж ӕггдджӕнӕ.

Эврӕннъ тӕрскн балгъсан тосхк, эн балгъсиг сӕӕхрӱлдж ясдж, кӕк ногъан садмудар кееруулгън-мана нег эркн керг. Болв балгъснд бӕӕх кун болгън темсн ургъдг болн декоративн 10-д моддуд эн хавр эрк биш тӕрхмн гидж Элст балгъсна куцагч комитетин негдгч сессий шиидвр гаргъла. Балгъсна паркд, рошд, паркиг эргулад, ульнцсин хойр бийӕрнъ, центрд болн балгъсна захар садмуд тӕрх зӕвтӕвдн. Мана балгъсиг кӕкрӱлдж кееруулгънӕ кодлмш—цуг олӕ-ӕмтнӕ эркн тӕрмуднъ болв. Элст балгъсна автобазин транспортн конторин кодлӕчрин дуудврт балгъсна куч-кӕлсчнр делгугъӕр хӕру ӕгч, сад тӕрлгънӕ кодлмшт шунмгъагъар орлицхав. Эн джилин апрелин 5-д, ганцхи Элст балгъснд 25 минъгън садин модд тӕргдсн бӕӕнӕ. Балгъсна паркиг эргулад, Ленинӕ болн Комсомольск ульнцсар хойр зерглулад уласн гидг модд тӕргдв, теднӕ дундагъур кееруулдж кесг зусн талдан чигн модд тӕргдв.

Эн тӕргдсн садин моддиг цааранднъ урӕлго ӕсгдж, балгъсна куцагч комитетин негдгч сессин шиидврмудиг куцахин тӕлӕ, Элст балгъсиг кӕкрӱлдж кееруулхмн, тӕрсн садмудиг хӕлӕдж манхмн гидж балгъсна куцагч комитет эрк биш куцах шиидвр гаргъв. Балгъснд бӕӕх ӕмтсиг эврӕннъ гериннъ ӕбрӕгъур ульнцсин

ут-туршартнъ моддуд тӕртхӕ гидж эн тогтавр закъджана, учрежденьсин, предриятъсин болн колхозн гардачриг болхла эврӕннъ ульнцсарн, участкударн бас моддуд тӕртхӕ гидж келгдджӕнӕ. Паркт, скверт болн гол ик ульнцсар тӕргдсн садмуд, ногъарулдж, кееруулдж тӕрсн цецгсиг цааранднъ ясдж хӕлӕлгъиг горкоммунхозд даалгъдджана. Предриятъсин, учрежденьсин, школин болн больницин газргим моддуд тӕргдсн болхла, цааранднъ ясдж хӕлӕхиг теднӕ гардачнрт даалгъдджана.

Эн тӕргдсн кесг зусн моддудиг болн цецгсиг сӕӕнӕр хӕлӕдж ӕсгхин тӕлӕ балгъсна учрежденьсин, предриятъсин болн домоуправленӕ гардачнриг, дакад эврӕ гертӕн бӕӕдг ӕмтсиг чигн гериннъ ӕбрӕгъур тӕргдсн садан, кееруулдж сӕӕхрӱлдж, тӕрсн цецгсан цааранднъ асрдж, зуна цагт цагцагланъ усинъ кедж, эрк биш асрхта гидж балгъсна куцагч комитет эврӕннъ тогтавртан келджӕнӕ. Эн тӕргсн садиг, ногъарулдж сӕӕхрӱлдж тӕрсн клумбиг, цецгсиг цааранднъ хӕлӕдж хадгълхиг эднд даал-

гъгдджана. Паркт, скверт, рошд болн нанъ чигн балгъсна им сад, цецгс тӕрӕтӕ газрмудар малмудӕн болн шовудан тӕвдж идулхмн биш, садин ацмудиг эврӕннъ санагър чавчхмн биш, велосипедӕр, автомашигъӕр, мотоциклӕр болн мӕрдӕр дӕврдж йовдгиг уурулхмн, цецгс болн садин бичрмуд таслхмн биш гидж балгъсна куцагч комитетин тогтаврт келгднӕ.

Балгъснд сад икӕр тӕрдж, кӕкрӱлдж сӕӕхрӱлсн цецгс болн клумбсиг цааранднъ хӕлӕдж хадгълхин тӕлӕ ик кодлмш келдджӕхнъ, куцагч комитетин эн шиидврӕс узгдджӕнӕ. Болв, ганцхи тер тогтаврар дала керг кедж большго, тер тӕлӕд иим ик чинртӕ кергт мана балгъсна куч-кӕлсчнр болн кун болгън шунмгъагъар орлицх зӕвтӕ.

Тер цагт, мана эврӕ тӕрскн Элст балгъсн, Советск Союзин кӕкрдж ногъарджах сӕӕхн балгъсудин негнъ болх, тегӕд эврӕннъ тӕрскн балгъсан кӕкрӱлдж кееруулдн гидж бахтдж келдж чадхвдн,

ДЖИМБИН АПУШ,
Элст балгъсна куцагч
комитетин ахлӕч.